

IMAQARNILIAQ MAA - Meeqqanut Atuarfeqarnermullu Ataatsimiititaq 07-08-2018

Ulloq ataatsimiiffissaq Tirsdag 07. august 2018 kl. 19:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Kommuneqarfik Sermersuumi meeqqerivinni sulisussaaleqineq.....	7
Naluttarfik MALIK piffissami 2018-2019 ammasarfissai.....	11
Aalajangiiffigisassat.....	14
Suliat Aningaasaqarnermut Inuussutissarsiornermullu Ataatsitamut.....	15
Nuummi, Tasiilami Paamiunilu meeqqerivimmiilernissamut utaqqisut allattorsimaffii pillugit ilisim	16
Meeqqanut Atuarfeqarnermullu Ataatsimiititaq suleriaasissaq.....	20
Taasariaqartut allat.....	23
Oqaluuserisassat matoqqasut.....	24
Imaqarniliap akuerineqarnera.....	25

Punkt 0: Saqqaa

<p>Ilaasortat</p> <p>Nivi Olsen (D), formand</p> <p>Henrik Rachlev (IA)</p> <p>Knud Mathiassen (IA)</p> <p>Uju Petersen (IA)</p> <p>Thiiooq Knudsen (S)</p>

Beslutning

Oqarasuaatikkut ilaasut:

Nivi Olsen (D)

Henrik Rachlev (IA)

Thiiooq Knudsen (S)

Uju Petersen aqutsisuuvoq.

Punkt 1: Oqaluserisassat akuerineqarneri

Beslutning

Oqaluserisassat akuerineqarput.

Punkt 2: Nalunaarutit

<p>2A. Siulittaasumit nalunaarutit </p> <p>2B. Ingerlatsivimmit nalunaarutit</p>

Beslutning

2a. Ataatsimiititaq angalangajalerpoq.

2b. Paamiuni, Nuussuarmi Tasiilamilu aasaanerani sulinngiffeqarneq aallartinningsiartooq atuarfinni pisortartaartoqarpoq. Nuummi meeqqerivinni sulisussaaleqisoqarpoq. Aasaq imaannaanngilaq. Nutaarsiassatsialak: EU-mut qinnuteqartunit pingasunit nassiunneqartunit akissutisisoqarpoq aammalu Erasmus+ suliniut 100.000 Euro-nik aningaasaliiffiqineqarput. Tamatuma saniatigut naluttarfik Malik nutaamik pisortartaarpoq.

Punkt 3: Ilisimatitsissutit

Punkt 03A: Kommuneqarfik Sermersuumi meeqqerivinni sulisussaaleqineq

Beslutning

Ilisimatitsissut tusaatissatut tiguneqarpoq.

Kommuneqarfik Sermersuumi meeqqerivinni sulisussaaleqineq

Ilisimatitsissut

J. nr. : 50.00-G01-116-18

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Kommuneqarfik Sermersuumi ulluunerani neqeroorutini ilinniarsimasunik aamma meeqqerivinni sulisunik allanik amigaateqarneq annertooujussuuvoq. Taamaattumik kommunip meeqqeriviini arlaqartuni sulisussaaleqineq pissutaalluni suliaticigut qaffasissumik tunniussaqaarsinnaaneq killeqarpoq. Kommunip meeqqeriviini meeqqat inuusuttullu perorsaanikkut suliniuteqarfiginissaannik naammaginartumik tunniussaqaarnissamut periarfissaqarneq sulisussaaleqinikkut ajornakusoortoq.

Sulisunik ilinniarsimasunik ilinniarsimanngitsunillu amigaateqarnerup kingunerisaanik aamma sulisunik napparsimasoqartillugu paarlattaasussanik pissarsiniartarneq ajornartorsiutaavoq.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa,

- ilisimatitsissut Ataatsimiititamit tusaatissatut tiguneqassasoq.

Suliassamik saqqummiussineq

Ilinniarsimasunik sulisussaaleqinermi atorfiit inuttaqanngitsut siusinnerusukkut Meeqqanut Atuarfeqarnermullu Ingerlatsivimmit ilinniarsimanngitsunik inuttalersortarpaat.

Taamatut aaqiinikkut perorsaanermik inerisaaneq eqqarsaatigalugu aningaasartuutaangaatsiarpoq, taamaakkaluartoq ulluinnarni sulineq isumannaatsuutinneqarluni. Perorsaasoqarniarnikkut pitsanngoriarfiorpiannikkaluartoq taamaattoq meeqqanik angajoqqaanillu toqqissisimanartuutitsinissaq isumannaatsumillu atugassaqaartitsinissaq aamma sulisunut naammaginartumik avatangiiseqaartitsinissaq qulakkeerneqarput.

Atorfiit inuttaqanngitsut ilinniarsimanngitsunik suliffissaaleqisunik inuttalersortarneri ikiliartoraluartut, meeqqerivinni sulisutigut ulluinnaat ajornakusoornerruleriartorput.

Ilinniarsimanngitsut ikiliartornerini pitsaassutsimut tunngasortai annikilliallassimapput.

Tamatumalu kingunerisaanik ullumikkut amerlasuutigut sulisunik naammattunik peqarneq ajorpugut, taavalu inunnik perorsaanermik piginnaasaqanngitsunik atorfinitsitsisariaqartarluta.

Aammattaaq tamatuma kingunerisaanik piffissani sivikinnerusuni atorfeqaartitsisarnerit amerlasariaqartarlutik (ilaanni akunnialuinnaat ilaannilu ullualuinnaat).

Perorsaanikkut ineriartorneq pisullu ilaanni toqqissisimaneq, imminut illersorsinnaasumut qanittuararsuartut inissisimalernera Meeqqanut Atuarfeqarnermullu Ingerlatsivimmit oqaatigineqarsinnaavoq.

Sulisut patajaatsut pikkorissullu meeqqerivinni taamatut atugaqartinneqartillutik suliaticigut amerlasuutigut amerlavallaanik suliaqartinneqarsinnaasarput. Ilaatigut meeqqat amerlasuukkaat ataatsimoortinneqartariaqartarput, kingunerisaanillu ilaatigut nipituallaalernermik kinguneqaartitsisarluni, unillatsiartarnerit sivikillisarneqartariaqartarput il.il. tamakkulu suliffiup avatangiisaanut sunniuteqarput.

Perorsaasunik ilinniarsimasunik ilinniarsimanngitsunillu sulisussarsiortarnermi assigiinngitsunik suliniutinik misileraasoqartarnikuuvoq.

Ukiuni kingullermi marlunni makku misilerarneqartareerput:

1. Perorsaasutut atorfinni suliffimmut atasumik inissaqaartitsisoqarnissaa

Kingunerisaa: Taamatut suliniuteqarnerup kingunerisaanik amerlanerusunik sulisussarsisoqarsinnaasimangilaq. Naak ukiuni kingullerni marlunni Nuummiinaq sulisut atorfirmut atatillugu inissiaqartitsinerit 50-it angullugit atorneqartaraluartoq, atorfiit inuttalersorneqanngitsut ilai suli allanngortinneqanngillat.

2. Nuummi suliffissaaleqisut suliffissarsiuussisarfik aqutugalugu ilinniaqqinnissamut pikkorissarnissamullu neqeroorfigineqartarput, taamaasillutik ulluunerani neqeroorutini suliassat suliarisarsinnaalerniassammatigik.
Kingunerisaa: Tamatuma kingunerisaanik sulisut ilaneqarsinnaasimangillat. Nuummi suliffissaaleqineq appasippoq, suliffissaaleqisullu akornanni ikittuinnaat suliniummut peqataajumallutik nalunaarsimapput. Neqerooruteqarnikkut ataavartumik atorfeqartitsinerinik suli kinguneqanngilaq.
3. Meeqqanut Atuarfeqarnermullu Ingerlatsivik februaari 2016-imi ajornartorsiut pillugu Ilinniartaanermut Naalackersuisoqarfimmut saaffiginnissuteqarpoq. Aallarniutaasumik ataatsimiittoqareerpoq.
4. Atorfinitsitsinermi attassiinnarnermilu ilungersunartut suleqatigiissitamit iluarsisariaqarsorineqartut pillugit ingerlatsiviit allat suleqatigalugit ataatsimut nalunaarusialiortoqarpoq.
5. Ilinniarsimasunik sulisussaaleqineq pillugu qulequtaq politikikkut ataqatigiissarisooqatigiinni marloriarlugu oqaluuserineqareerpoq.

Suliassaqarfimmut tunngasunik sulisussarsisinnaannginnermut pissutaanerpaasutut misiginarpoq, perorsaasutut ilinniarsimasut ikippallaarneri peqatigisaanillu Ilulissani perorsaasunngorniarlutik ilinnialerusuttut ikippallaarneri. Meeqquvinnit sulisut inatsit naapertorlugu amerlassusissaannik aalajangersakkap malinnissaanut, ilinniarsimasunik ilinniarsimangitsunilluunniit naammattunik soqanngilaq. Perorsaasunik pilertortumik amigaateqartoqareerpera Nuummilu meeqqat ukiuni aggersuni amerlasuuni amerliartornissaat pissutigalugu, inatsit naapertorlugu sulisut amerlassusissaannik aalajangersagaq ukiorpassuarni aggersuni suli angujuminaannerulissaaq. Tamatuma saniatigut ulluunerani neqeroorutinit immikkoortortap eqqoriarallagai naapertorlugit paasinarsivoq, sulisussaaleqineq ukiuni aggersuni suli annertussasoq. Tamanna pivoq ilaatigut perorsaasutut atorfillit arlallit soraarninngorneq, allamik suliqaalerneq il.il. patsisaalluni suliunnaartarmata Perorsaanermillu Ilinniartarfi (PI) ukiumut perorsaasutut ilinniakkamik naammassinnittartut naammaneq ajorlutik.

Tamanna Epinionimit nalunaarusiamit, Namminersorlutik Oqartussani decembari 2017-imi suliarineqartumit eqqortuutinneqarpoq. Atualersussanut periusissiaq iliuusissanullu pilersaarut inaarutaasoq 2018-imi aasap naajartorerani saqqummissasoq Kalaallit Nunaanni Namminersorlutik Oqartussanit naatsorsuutigineqarpoq.

Tamanna tunngavigalugu Danmarkimi seminariani paasissutissanut atorfinitsitsinermullu nittarsaanissaq Meeqqanut Atuarfeqarnermullu Ingerlatsivimmit siunniunneqarpoq. Tamanna pisariaqarsorinarpoq, sulisut amerlassusissaat naammatsinniarlugit sulisussanik naammattunik pissarsisoqarsinnaanngimmat, taamaasillunilu ulluunerani neqeroorutini perorsaanermit tunngasunik naammattunik neqerooruteqarsinnaannginneq.

Aaqqiissutissatut siunnersuut – suliatigut naliliineq

Suliniutit tullinnguuttut suliarineqaleruttunngikkunik aallartisarneqareerput.

- Siunnerfeqartumik aallutaqarnikkut Nuup avataaneersunut pilerisaarineq. (ilinniarsimasut ilinniarsimangitsullu)
- Skandinaviami praktikkerfissanik seminariani ilinniartunut neqerooruteqarneq. Taamaalinikkut perorsaasooreersut nutaanik ilisimasaqalissapput peqataanillu pilerisaarinikkut ilinniartutik

naammasserlaat Kalaallit Nunaannut qinnuteqarusulersillugit. Praktikkernermut atatillugu angalanermut aningaasartuutitut tapit.

- Ullup ilaani sulinissamut atorfiit angajoqqaanut ilaqutaasunullu neqeroorutigalugit.
- Meeqqerivinni inuusuttunik (16-17-inik ukiulinnik) taartaasussanik ilinniarsimangitsunillu atuineq.
- Meeqqerivinni piginnaanngorsaqqittut amerliniassammata Majorissamik suleqateqarneq annertusarlugu.

Aningaasaqarnikkut sulisoqarnikkullu naliliinerit
Soqanngilaq

Inatsisitigut tunngavissaq allakkallu tunngaviusumik uppersaataitallit
Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq.
førscolealderen

Aningaasaqarnermut Allatseqarfimmit oqaaseqaatit
Aningaasaqarnermut Allatseqarfik oqaaseqartinneqanngilaq.

Innuttaasunik peqataatitsineq/Attaveqaqatigiinneq
Soqanngilaq

Ingerlatsivinnit allanit oqaaseqaatit
Soqanngilaq

Ilanngussaq/Ilanngussat
Soqanngilaq

Punkt 03B: Naluttarfik MALIK piffissami 2018-2019 ammasarfissai

Beslutning

Ilisimatitsissut tusaatissatut tiguneqarpoq.

Ingerlatsivimmit nalunaarutigineqarpoq 2018-imi januaarimiillit nalunnguariatut 56.000-iusimasut.

Bilag

Bilag 1_Oversigt over fordelingen af timerne Sæson 2018 -2019.docx

Bilag 2_Svømmehallen_folder_kal.pdf

Naluttarfik MALIK piffissami 2018-2019 ammasarfissai

Ilisimatitsissut

J.normua. 02.16

Meeqqanut Atuarfeqarnermullu Ingerlatsivik – pisortaq Helene Broberg Berthelsen / HEBE

Suliassamik eqikkaaneq

Peqqinneq Susassaqartitsinerlu pillugit immikkoortortaq sinnerlugu, Naluttarfik MALIK ilanngullugu, Naluttarfiup MALIK'p piffissami 2018 - 2019-imi ammasarfissai ilisimatitsissutigineqarput. Atuisut immikkoortunut pingasunut matumani ima agguarneqarput:

- Innuttaasut
- Atuarfiit
- Naluttartut klubbiat NALU

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamut inassuteqaatigaa,
- Ilisimatitsissut tusaatitut tiguneqassasoq

Suliassamik saqqummiussineq

Piffissami 2018/2019 ammasarfiit allanngortinneqanngillat. Piffissami 2018-2019-imut Naluttarfik Malik ammasarfissai ima isikkoqarput:

Atuarfik	Ataasinngorneq	Marlunngorneq	Pingasunngorneq	Sisamannorneq	Tallimannorneq
	08:00 – 12:00	08:00 – 12:00	08:00 – 12:00	08:00 – 12:00	08:00 – 12:00

Klubbi	Ataasinngorneq	Marlunngorneq	Pingasunngorneq	Sisamannorneq
	16:30 – 22:00	20:45 – 22:00	16:30 – 22:00	20:45 – 22:00

Innuttaasut	Ataasinngorneq	Marlunngorneq	Pingasunngorneq	Sisamannorneq	Tallimannorneq	Arfininngorneq	Sapaat
Multi/varm/sauna	06:00 – 08:00	06:00 – 08:00	06:00 – 08:00	06:00 – 08:00	06:00 – 08:00		
Multi/varm/sauna	12:00 – 16:00	08:00 – 21:00	12:00 – 16:00	08:00 – 21:00	12:00 – 21:00	08:00 – 19:00	08:00 – 19:00
Kissartaq	18:30 – 21:00		18:30 – 21:00				
Sauna	20:00 – 21:00		20:00 – 21:00				

* Sapaatip akunnerini akunnaatsuni nipaatsunik nalunneq nal 22:00 tikillugu. Malugalugu, klubbimut ilaasortaangitsut matunissaq sioqqullugu kingusinnerpaamik 20 min. qaqereersimassammata.

Aaqqiissutissatut siunnersuut – suliatigut naliliineq

Ulloq 1. januaari 2018-imiit saunamut, naluttarfiimmut kissartumut anginermullu isernissamut akiliummut helsekabine, solarium aamma collagenimut isersinnaaneq ilanngunneqarpoq.

Tamatuma kingunerivaa Naluttarfik Malik siusinnerusumut sanilliullugu amerlanerusunik isertoqartarnera, periarfissallu taakku nutaat isertartunit atorluarneqalereerput.

Ulloq 6. maaji 2018-imi spabadit marluk 38 gradinik kissassusillit naluttarfiimmut atorneqartarput, kinguneraalu Naluttarfik Malimmut nalukkiartut amerlanerulernerat.

Tamatuma saniatigut issiavimmik kaassuartakkamik atuisunut kivittaammik pissarsisoqarpoq, taannalu atorlugu naluttarfik anginnermut kissartumullu aqqartitsisoqarsinnaallunilu qaqitsisoqarsinnaavoq. Kivittaatip ikkussuunneqarnera naluttarfimmit inaarsarneqaleruttoq. Tamatuma kingorna misilerneqassaaq nittarsaanneqarlunilu, atuisut assersuutigalugu utoqqarnik paaqqinniffinniittut, timimik sungiusaasuni eqaarsaartinneqartartut utoqqaallu allat pisiarineqartoq atorluarsinnaaniassammassuk.

Aningaasaqarnikkut sulisoqarnikkullu naliliinerit

Qulaani pineqartunut tunngatillugu immikkut aningaasartuuteqartoqarnissaa naatsorsuutigineqanngilaq. Quppersakkat nutaat suliarineqarput, tassani naqitertinneranut ataasiartumik aningaasartuuteqarnissaaq naatsorsuutigineqarpoq 9.000 koruunit missaannut

Inatsisitigut tunngavissaaq allakkallu tunngaviusumik uppersartaatallit

Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaat nr. 5, 6. juni 2016-imeersoq

Ingerlariaqqinnissaaq

Piffissaaq 2018-imiit – 2019-imut pilersaarutit naapertorlugit ingerlavoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq, suliaq ilisimatitsissutaannaammat aningaasartuuteqarfigineqarnissaalu naatsorsuutigineqarani.

Innuttaasunik peqataatitsineq/attaveqaqatigiinneq

Piffissap 2018 - 2019 pilersaarusiorneqarneranut atatillugu immikkoortut pingasut piffissamut aggersumut akunnerit agguataarneqarnissaat pillugu tusarniaavineqarput. Taamaalillutik atuisunut siunnersuisooqatigiit peqataatinneqarput: innuttaasut sinnerlugit marluk aamma naluttartut klubbiat sinnerlugu marluk, tamatuma saniatigut Meeqqanut Atuarfeqarnermullu Ingerlatsivik oqaaseqaqquneqarpoq ukiumullu tulliuttumut kissaatinik oqaaseqaqquneqarluni.

Innuttaasut saunartarfimmik varmebassinnimillu aamma klubbip sungiusarnerini atuisinnaapput. Innuttaasut akunnernik amerlanernik periarfissinneqarput, siornatigornillu naluffissat naluttartut klubbiattu ataatsikkoorlutik atortassavaat (oqaatigineqareersutut ulluni piffissanilu aalajangersimasuni).

Ingerlatsivinnit allanit oqaaseqaatigineqartut

Soqanngilaq

Ilanngussaaq/Ilanngussat

Ilanngussaaq 1_Piffissami 2018 – 2019 akunnerit agguataarnerisa takussutissartaat

Ilanngussaaq 2_Naluttarfik_quppersagaq_qallunaatut

Punkt 4: Aalajangiiffigisassat

Beslutning

Soqanngilaq.

**Punkt 5: Suliat Aningaasaqarnermut Inuussutissarsiornermullu
Ataatsitamut**

Punkt 05A: Nuummi, Tasiilami Paamiunilu meeqqerivimmiilernissamut utaqqisut allattorsimaffii pillugit ilisimatitsissut

Beslutning

Ilisimatitsissut tusaatissatut tiguneqarpoq. Ingerlatsivimmit ilassutigineqarpoq: Utaqqisut allattorsimaffiit imm 3a-mut attuumassuteqarput.

Nuummi, Tasiilami Paamiunilu meeqqerivimmiilernissamut utaqqsut allattorsimaffii pillugit ilisimatitsissut

Ilisimatitsissut

J. nr: 44.02.00

Meeqqanut Atuarfeqarnermullu Ingerlatsivik – pisortaq Helene Broberg Berthelsen / HEBE

Suliassamik eqikkaaneq

Meeqqanut Atuarfeqarnermullu Ingerlatsivik Nuummi Tasiilamilu meeqqerivimmiilernissamut utaqqsut pillugit ullut 14-ikkaarlugu naatsorsuusiortarpoq. Paamiuni Ittoqqortoormiinilu utaqqsut allattorsimaffiat piffinni naatsorsorneqartarpoq.

Meeqqanut Atuarfeqarnermullu Ingerlatsiviup suliaq pillugu ilisimatitsissut Meeqqanut Atuarfeqarnermullu Ataatsimiititamut matumuuna nassiuppa.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa,

- Ilisimatitsissut tusaatissatut tiguneqassasoq
- Suliaq Aningaasaqarnermut Ataatsimiititamut Kommunalbestyrelsimullu ilisimatitsissutitut ingerlateqqinneqassasoq.

Suliassamik saqqummiussineq

Kommuneqarfik Sermersuumi Nuummi Tasiilamilu ulluunerani ornittakkaniilernissamut utaqqsut ullut 14-ikkaarlugu naatsorsorneqartarput. Illoqarfinni taakkunani ulluunerani ornittakkanut meeqqanik innersuussisarneq Meeqqanut Atuarfeqarnermullu Ingerlatsiviup Allaffeqarfimmi Aningaasaqarnermullu Allaffimmi Immikkoortortaarfianit isumagineqartarpoq.

Paamiuni meeqqanik meeqqerivimmut innersuussisarneq Atuarfeqarnermut ulluuneranilu neqeroorutinut immikkoortortaarfimmi siunnersortimit Paamiuniittumit isumagineqartarpoq, Ittoqqortoormiinilu Innuttaasunik sullissivimmi sulisumit isumagineqartarluni.

Ulloq 11. juli 2018 Paamiuni meeqqerivinnut utaqqsut imatut inissisimapput:

Meeraaqqerivinnut: utaqqsut marluk

Meeqqerivinnut: utaqqsut pingasut

Arsummi angerlarsimaffimmi paasisunut utaqqisoqanngilaq

Ittoqqortoormiuni sulisup sulinngiffeqarluni peqannginnera pequtugalugu meeqqanut utaqqsuutit allattorsimaffiat pissarsiarineqanngilaq.

Nuummi meeqqat meeraaqqerivimmut, meeqqerivimmut, angerlarsimaffimmi paarsisartumut, AKO-mut (Atuareernerup Kingorna Ornittakkat) aamma FRO-mut (Sunngiffimmi sammisassaqartitsivik) pinissamut utaqqsut allattorsimaffianiittut qassiunersut qaammatit tamaasa naatsorsorneqartarpoq imatut isikkoqarpoq:

	Januaari	Februaari	Marsi	Aprili	Maaji	Juuni
Meeraaqqerivik	137	135	118	75	72	86
Meeqqerivik	10	11	2	4	5	11

	5	7	0	1	2	3
Angerlarsimaffimmi paaqqinnittarneq						
AKO	0	5	0	0	3	2
FRO	0	2	0	0	1	3

Tasiilami nunaqarfiinilu meeqqat meeraaqqerivimmut, meeqqerivimmut, SPO-mut (Atuareernerup kingorna ornittakkat) aamma angerlarsimaffimmi paarsisarnermut pinissamut utaqqisut allattorsimaffiat qaammatit tamaasa naatsorsorneqartartoq, ima isikkoqarpoq:

	Januaari	Februaari	Marsi	Aprili	Maaji	Juuni
Meeraaqqerivik	8	8	10	8	8	8
Meeqqerivik	3	1	3	1	0	3
Kulusummi angerlarsimaffimmi paarsisarneq	0	1	1	2	1	3
SPO	1	0	0	0	0	1

Kommuneqarfik Sermersuumi meeqqerivinni inissamik innersuussisarnermut malittarisassat naapertorlugit inoorlaanik utaqqisunut allatitsinnissaq siusinnerpaamik pingasunik qaammateqalereersimappata aatsaat pisinnaavoq, inissamillu tunineqarsinnaassallutik siusinnerpaamik arfinilinnik qaammateqalereersimappata.

Meeqqanut Atuarfeqarnermullu Ingerlatsivik meeraaqqerivinnut utaqqisuutit qassiunissaat pillugu februaarimi siumut naatsorsuusiopq. Naatsorsuusiorderup takutippaa, meeraaqqerivimmut utaqqisuutit 31. agusti 2018-imi 89-iussasut. Siumut naatsorsuusiordermi pissutsit assigiinngitsut arlallit ilanngullugit isiginiarneqarput, ukuusut:

- Inoorlaat utaqqisuutitut sulil nalunaarsorsimangitsut amerlassusaat
- Inoorlaat utaqqisuutini nalunaarsorneqarsimasut, sulili inissamik innersuunneqarsinnaanngitsut amerlassusii
- Avataanit nalunaarsimasut – angajoqqaat (ilaatigut ilinniariartortut) meerartik kommunimut nuunnissaq ukiup affaanik sioqqutsisumik utaqqisunut allatsissinnaavaat.
- Meeqqat utaqqiisaasumik asoortinneqartut
- Meeraaqqerivimmiittunik meeqqerivimmut nuuttoqartillugu meeraaqqerivimmi inissat pilersinneqartussat amerlassusiat

Ingerlatsiviup pissutsini sunniuteqarfigisinnaanngisaasa ilaat tassaavoq nuullutik tikittut aamma meeqqat inissisimaneq pissutigalugu ineriartornerannut aarlerinaataasinnaasut pillugit isumaginninnermut tunngasutigut arlaatigut pisariaqartitsinerat pissutigalugu Isumaginninnermut ataatsimiititamik innersuunneqarsimasut amerlassusiat, ulluinnarni taaneqartartut "meeqqat A-t", taakku Inatsisartut inatsisaat atuuttoq naapertorlugu sallinneqartussaapput. Nuummi 1. klassimi atualertussat meeqqerivimmiit AKO-mut nuunneqarnissaannik suliaqarneq marsimi aallartikkajuppoq. Taakku meeqqerivimmi inikui atoriaannangortarput, taamaalillunilu meeraaqqerivimmiut (inatsit naapertorlugu meeqqat B-nik taaneqartartut) 2,9-nik utoqqaassuseqalereersimasut meeqqerivimmut nuunneqarsinnaanngortarput, taakkulu inikui (meeraaqqerivimmi) meeraaqqerivimmut utaqqisunut tunniunneqarsinnaanngortarlutik.

Aaqqiissutissatut siunnersuut – suliatigut naliliineq
Suliatigut naliliinertaqanngitsumik nassiunneqarpoq

Aningaasaqarnikkut sulisoqarnikkullu naliliinerit
Aningaasaqarnikkut sulisoqarnikkullu naliliisoqanngilaq.

Inatsisitigut tunngavissaq allakkallu tunngaviusumik uppersaatitallit
Kommuneqarfik Sermersuumi ulluunerani neqeroorutinut inissamik innersuussinissamut maleruagassat
Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq.
Meeqqanut suli atualinngitsunut perorsaanikkut inerikkiartuutaasumik ulluunerani neqeroorutinut akiliuteqartarnek pillugu Namminersorlutik Oqartussat nalunaarutaat nr. 3, 4. februar 2011-imeersoq.

Aningaasaqarnermut Allatseqarfimmit oqaaseqaatit
Aningaasaqarnermut Allatseqarfik oqaaseqartinneqanngilaq.

Innuttaasunik peqataatitsineq/attaveqaqatigiinneq
Soqanngilaq

Ilanngussa
Soqanngilaq

Punkt 05B: Meeqqanut Atuarfeqarnermullu Ataatsimiititaq suleriaasissaq

Beslutning

Aalajangiineq akuersissutigineqarpoq, aammalu Aningaasaqarnermut Inuusutissarsiornermullu Ataatsimiititamut Kommunalbestyrelsimullu ingerlateqqinneqassalluni.

Bilag

Bilag 1 Forretningsorden for børn og skole KAL.docx

Meeqqanut Atuarfeqarnermullu Ataatsimiititaq suleriaasissaq

Aalajangiiffigisassaq

J. nr.: 01.02-A00-7-18

Suliffeqarfimmut Kiffartuussivik - Kommunaldirektøri Lars Møller-Sørensen / LMS

Suliassamik eqikkaaneq

Kommunit aqunneqarnerat pillugu inatsit nr. 29, 17. november 2017-imeersumi § 28 imm. 2 naapertorlugu, tulliuttuni aqutsinermut inatsimmi taaneqartumi, ataatsimiititaliat ataavartut sulinerminni suleriaasissatut maleruagassartik namminneq aalajangersartarpaat.

Suleriaasissatut siunnersuut akuersissutigisassanngorlugu ilanngunneqarpoq.

Inassuteqaat

Qinikkanut Allatseqarfiup Meeqqanut Atuarfeqarnermullu Ataatsimiititaq inassuteqaatigaa,

- Suleriaasissatut siunnersuut ataatsimiititaq akuersissutigisagaa
- Suliaq ilisimatitsissutitut Aningaasaqarnermut Inuussutissarsionermullu Ataatsimiititamut aamma Kommunalbestyrelsimut ingerlateqqinneqassasoq

Suliassamik saqqummiussineq

Kommunit aqunneqarnerat pillugu inatsit nr. 29, 17. november 2017-imeersumi § 28 imm. 2 naapertorlugu, tulliuttuni aqutsinermut inatsimmi taaneqartumi, ataatsimiititaliat ataavartut sulinerminni suleriaasissatut maleruagassartik namminneq aalajangersartarpaat:

Ataatsimiititami ataatsimiititaq ataatsimiinnissanut qanoq aggersaasassanersoq ingerlatsisassanersorlu suleriaasissami aalajangersarneqarpoq. Aammattaaq siulittaasup atuuffia, sinniisunik aggersaasarneq, ataatsimiititamut ilaasortanit apeqqutit suliarineqartarneri, Kommunalbestyrelsimut sulianik immikkut ittunik saqqummiisarnerit, suliamut attuumassuteqartarnerit il. il. iluarsineqarput.

Aqutsinermut inatsisip nutaap akuersissutigineqareernerata kingorna suleriaasissaq nutarterneqassaaq.

Suleriaasissatut siunnersuut aqutsinermut inatsit kiisalu Kommuneqarfik Sermersuumut aqutsinermut ileqqoreqqusaq naapertorlugit suliarineqarpoq.

Aaqqiissutissatut siunnersuut – suliatigut naliliineq

Suleriaasissatut siunnersuut Meeqqanut Atuarfeqarnermullu Ataatsimiititaq maannamut atorneqarnera ajunngilaq taamaattumik ataatsimiititaq atuunneranut tunngatillugu apeqqutissaqarnermik paasinngisanilluunniit kinguneqartanngilaq.

Suleriaasissatut siunnersuut pingaarutilinnik ilaneqarpoq, ilaatigut ataatsimiigiarsinnaanani nalunaarnermut najoqqutassat aalajangersarneqarput, kiisalu suliamut attuumassuteqarpallaarneq pillugu najoqqutassaliortoqarluni.

Tamatuma saniatigut inatsimmut innersuussinerit nutarterneqarlutillu suliarineqarput.

Aningaasaqarnikkut sulisoqarnikkullu naliliinerit

Suliaq aningaasaqarnikkut sulisoqarnikkullu kinguneqartitsissanngilaq.

Inatsisitigut tunngavissaq allakkallu tunngaviusumik uppersaaitallit

Kommuneqarfik Sermersuumi aqutsinermut ileqqoreqqusaq.

Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ingerlariaqqinnissaq

Suleriaasissaq ataatsimiititaq akuersissuteqarneratigut atuutilissaaq.

Suleriaasissaq Aningaasaqarnermut Ataatsimiititamut Kommunalbestyrelsimullu ilisimatitsissutitut ingerlateqqinneqassasoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Ilanngussaq

1. Meeqqanut Atuarfeqarnermullu Ataatsimiititami suleriaasissaq

Punkt 6: Taasariaqartut allat

Beslutning

Paamiuniit kissaatigineqarpoq atualeqqaartoqarnerani aammalu atuartut angajulliit naggataamik atuarneranni peqataasoqassasoq.

Punkt 7: Oqaluuserisassat matoqqasut

Beslutning

Soqanngilaq

Punkt 8: Imaqarniliap akuerineqarnera

Beslutning

Imaqarniliaq akuerineqarneqarpoq 15:46